



陸奥國磐水天工橋橋記

重文  
洋学文庫  
文庫8  
A 73







西嚴美溪橋之記碑原文為清室所  
出和洋とある仕指下中

# 西嚴君

紅雲

此數字は又吉澤先生の手書より西嚴の宗家大概又作清  
臣君の號なり（西嚴井郡に在り）  
明治二十五年九月廿三日清井元數より贈る元數の父作君の次女  
其の傳へたるモノモアルカ但し本文は何人の寫す力知らば

文彦 齋

陸奧國磐水天工橋橋記

奧中磐水之勝概曰五串之溪溪中之石板地為崖壁為豁谷  
為坻為礁為巖洞殊形異態奇詭歷落布置之妙雖有能者殆  
不可狀而磐水之來淙流箭疾顛蹶而入悍然而瀑泊然而潭  
沈碧拋白層疊而下力能劈萬石以出東西三百步南北居十  
之一此余老友大槻翁之所甚樂而自號而其族子女彌君實  
肇而橋之其水出州之宋駒山東流為是溪又東行與北上之  
川合巔委九六七十里獨官道之當一關治者橋焉其上流則  
湍激險澗雖則乘舟一遇潦漲奔會漂蕩盡矣是以沿河之民  
迂途往來自古病涉焉君之繼為郡正也陰相默度久之以為  
是溪下距一關十有二里峽高而水窄可架飛橋而濟之亦恤  
民之急務也乃與溪南宿岡里正佐藤時茂聚里民商議里民

水林... 陸奧國... 天工橋... 記

皆踊躍各出財力伐木於山召匠他郡昏處崖岸鑿孔而峽之  
巔納大木而梁之馮靈而起架楠駢版翼以欄楯其長二十餘  
弓出水一匹有半下無隻柱以利暴漲肇工文化紀元告成於  
三年十二月於是昔之病涉者馬牛負擔如行坦塗雖有滄溟  
萬不可犯而水石之奇大小高深無有遯隱悉聚一矚之內民  
皆額其手曰此豈神之所營耶遂名曰天工之橋君之理行久  
服郡中而便民之功見於橋梁者殆百數或木枋或石枋木  
皆期於悠久而斯橋之造最其章之者猶未有記也後十餘年  
余始東遊與昭君之弟子繩於僊臺府因觀松島樂其大而偉  
麗遂北訪君於磐井之中里偕游是溪又喜其小而奇壯而惜  
未甚顯於世也為叙其造橋始末與翁之所甚樂以附里正時  
茂令刻之溪水上又藉以告夫世之樂松島之偉麗者併獲津

逮焉如其奇壯則游者自領之余固不能狀已五串舊名嚴美  
栗駒山益有嚴美之神溪典村因名後訛為五串又以其國語  
同故吏牘獨用五串今從之大槻氏磐井郡舊族君名清臣稱  
丈作以族之宗子世襲磐井郡正好學有古循吏風翁名茂質  
字子煥號磐水為本藩侍醫今居伯府精歐邏巴之學事聞  
大朝奉 旨翻譯其書遂得以曾臣奉朝請講其說者皆從  
受業學者稱曰玄澤先生子繩名清準稱民治少與余同學昌  
平國庠亦以名儒擢任其府學學頭異材績學同時咸萃一門  
又可尚也仍獲聯綴而書文政二年己卯春壬月

前掛川教授益城松崎復記





